

金文最

第二函
第八冊

金文最卷三十一目錄

文

祭大房山神祝文

祭混同江神祝文

祭林神祝文

祭長白山神祝文

太廟十一室通用祝文

七祀通用祝文

山陵元日祭奠祝文

大定改元七月十五日祭山陵祝文

世祖忌辰祭山陵祝文

太祖忌辰祭山陵祝文

太宗忌辰祭山陵祝文

睿宗忌辰祭山陵祝文

貞懿皇后忌辰祭山陵祝文

祖宗忌辰祭保陵公祝文

皇后忌辰祭保陵公祝文

七月十五日祭保陵公祝文

冬至祭保陵公祝文

元日祭保陵公祝文

寒食祭保陵公祝文

睿宗升祔祫享太廟祝文

睿宗升祔祫享別廟祝文

祫享太廟祝文

祫祭七祀祝文

夏至祭地祇祝文

孟冬祭神州祝文

夏至祭地祇以太祖配祝文

孟冬祭神州以太宗配祝文

禘祭太廟祝文

禘祭七祀祝文

祭太社祝文

祭后土句龍氏祝文

祭太稷祝文

祭后稷祝文

祭東嶽祝文

東鎮同南鎮中鎮西鎮北鎮俱與嶽同

祭東海祝文

祭東瀆大淮祝文

祭南瀆大江祝文

祭西瀆大河祝文

祭北瀆大濟祝文

祭天祝文

祭地祝文

合祭天地以太祖配祝文

祭七祀祝文

太廟朝享祝冊文

別廟薦享祝冊文

以上原列卷六十一

祭先師孔子祝文

修顏子廟告成遣官致祭祝文

祭鄒國公祝文

秋報祝文

李俊民

祭天奏告文

祭地奏告文

合祭天地奏告太廟文

奏告諸陵同

合祭天地以太祖配奏告文

合祭天地奏告昭德皇后文

合祭天地奏告五嶽四瀆文

合祭天地奏告龍津橋橋神文

合祭天地奏告行神文

禘祭太廟奏告文

祫享太廟奏告文

奉上睿宗冊寶奏告文

睿宗升祔祫享太廟奏告文

起兵誓諸將文

皇子翦髻文

剃頭人念文

上周監察夫人生朝文

湯廟祈雨文

設醮祭孤魂齋文

楊榮追薦母姪齋文

李俊民

李俊民

李俊民

王若虛

李俊民

李俊民

李俊民

李俊民

李俊民

李俊民

李俊民

瞿仲通祭孤魂齋文

李俊民

湯廟上梁文

李俊民

高平縣宣聖廟上梁文

李俊民

神霄宮上梁文

李俊民

錦堂上梁文

李俊民

崇安寺重修三門上梁文

李俊民

高平顯真觀三門上梁文

李俊民

南宮廟學大成殿上梁文

元好問

南陽廨署上梁文

元好問

外家別業上梁文

見文雅
以上原列

卷六十二

元好問

金文最卷三十一

昭文張金吾月霄輯

文

祭大房山神祝文

蓋以磐基所輦陵寢是安惟爾有神實受其職是用昭報錫以顯封尙鑒予誠永修靈佑

大金集禮

祭混同江神祝文

蓋以滔滔靈源東土之紀義師初濟實發其祥爰秩典文肇稱冊號丕顯休命神其聽之

大金集禮

祭林神祝文

蔚彼長林實壯天邑廣袤百里惟神主之廟貌有嚴侯封是享歆時蠲潔相厥茲榮

大金集禮

祭長白山神祝文

蓋以發祥靈源作鎮東土百神所寶羣玉之府勢王吾邦日隆丕

緒祀典肇稱寵章時舉顯顯眞封嚴嚴祠宇神之聽之永膺天祐
大金集禮

太廟十一室通用祝文

伏以歲序伊始品物咸新

夏云序當長養化屬南訛秋云孟秋屈萬寶順成冬云元英首氣閉塞成冬

樂茲嘉平有嚴大宮聿修時祀仰祈鑒格永錫繁釐謹以柔毛
剛鬣明粢薌合薌莫嘉蔬嘉薦醴齊虔恭齋栗以備清祀尙饗
大金集禮

七祀通用祝文

以茲孟月

臘享云以茲嘉序

享于太宮維爾有神宜膺典祀謹以犧齊粢

盛庶品式遵常禮尙饗

大金集禮

山陵元日祭奠祝文

伏以歲律更新物華資始

寒食云和律吹灰隧偷改火七月十五

陽生至感茲時序仰上園陵庸致吉蠲冀垂昭鑒尙饗

大金集禮

大定改元七月十五日祭山陵祝文

孟秋既望新穀將升感時序以興懷仰園陵而致孝薦馨香於令
節庶彷彿其生平庸表精誠冀垂昭鑒尙饗

大金集禮

世祖忌辰祭山陵祝文

伏以佑我後人不惟聖緒永懷遐馭適及今朝敬薦哀悰冀垂昭
鑒尙饗

大金集禮

太祖忌辰祭山陵祝文

伏以洪維聖緒眇質獲承邈矣仙遊陵園在望適及遏音之日靡
勝沾露之思嘉獻就陳哀悰可鑒尙饗

大金集禮

太宗忌辰祭山陵祝文

伏以獲承基緒祇奉陵園迨茲遏密之辰深口盡傷之念就陳嘉
薦庶鑒哀悰尙饗

大金集禮

睿宗忌辰祭山陵祝文

伏以仙馭遐登历年滋久望陵園之館御鬱霜露之哀悰庸致獨
蒸式昭永慕尙饗

大金集禮

貞懿皇后忌辰祭山陵祝文

伏以在遼之陽聖善寢御茲屬永違之日不勝感慕之誠嘉薦就

陳瞻言如在大金集禮

祖宗忌辰祭保陵公祝文

祇奉永陵

睿陵恭陵景陵

式臨諱日

追伸感慕往致吉蠲仍飭使軺展

祀祠宇聿遵彝典宜鑒精衷

大金集禮

皇后忌辰祭保陵公祝文

西山之原陵寢斯在屬當諱日爰舉祭儀惟爾有神宜從茲薦大

金集禮

七月十五日祭保陵公祝文

列聖園陵神實保佑比頒顯冊封以上公申敕有司俾修祀事從

厥歲序著為彝儀大金集禮

冬至祭保陵公祝文

瞻彼西山園陵斯在以左以右維神之功長至在辰宜從與享尙

其英爽歆此酬觴

大金集禮

元日祭保陵公祝文

陵寢孔固繫神之功式因歲元聿修祀事

大金集禮

寒食祭保陵公祝文

陵寢孔固維神尸之相爾有功宜在祀典茲爰改火禮亦順時往致薦羞是用昭報

大金集禮

睿宗升祔祫享太廟祝文

廟祐有經睿考升祔

睿宗室日皇考

歲序循次禮宜合食謹以一元大武

肅陳明獻表茲孝誠

大金集禮

睿宗升祔祫享別廟祝文

正位坤儀依神別廟歲序循次適茲合食今以一元大武具陳明

薦以伸祫禮

大金集禮

祫享太廟祝文

歲律云周時惟冬孟載考彝儀大陳合食謹以一元大武柔毛剛

鬻脰祭明粢薌合薌其嘉蔬嘉薦醴齊用肅明獻式表孝思

大金集禮

禘祭七祀祝文

歲序載周式遵常禮以醴齊粢盛庶品明薦於神

大金集禮

夏至祭地祇祝文

維某年歲次月朔日子嗣天子臣某

攝事云謹遣太尉臣名下放此

敢昭告於皇

地祇乾道運行日躔北至景風應序離氣效時嘉承至和肅若舊典敬以玉帛犧齊粢盛庶品備茲祇瘞式表誠懇高祖皇帝配神作主尚饗

大金集禮

孟冬祭神州祝文

包函區夏載鎮羣生溥被域中賴茲厚德式遵彝典練此元辰敬以玉帛犧齊粢盛庶品明獻厥誠備茲祇瘞皇祖太宗文武聖皇帝配神作主尚饗

大金集禮

夏至祭地祇以太祖配祝文

時維夏至肅敬訓典用祇祭於皇地祇惟高祖德協二儀道兼三統禮膺光配敢率舊章謹以制幣犧齊粢盛庶品肅雍明薦作主侑神尚饗

大金集禮

孟冬祭神州以太宗配祝文

太宗德被乾坤格于上下昭配之議欽率舊章謹以制幣犧齊粢盛庶品肅雍明薦作主侑神尚饗

大金集禮

禘祭太廟祝文

伏以九廟可觀五年一禘舊章茲率大祭是承謹以一元大武柔毛剛鬣脰祭明粢薌合薌其嘉蔬嘉薦醴齊惟永孝思冀垂昭鑒祭昭德皇后云有口音徽其歆祀事

大金集禮

禘祭七祀祝文

大祭於廟茲惟其時以爾有靈宜膺秩祀謹以醴齊粢盛庶品明薦於神

大金集禮

祭太社祝文

惟神五土是司容養萬物博厚以載德合無疆謹因仲春秋式薦明祀恭以玉帛柔毛剛鬣明粢薌合薌其嘉蔬嘉薦醴齊備茲禋瘞

用申報本

大金集禮

祭后土句龍氏祝文

爰茲

仲春秋

吉日有事於太社惟神力平九州功德甚茂其從享之

典禮

惟舊

謹以制幣柔毛剛鬣明粢薌合薌其嘉蔬嘉薦醴齊旅

於表位作主侑神

大金集禮

祭太稷祝文

惟神五穀是生八正爰始人之司命功莫大焉謹因

仲春秋

式薦明

祀恭以玉帛柔毛剛鬣明粢薌合薌其嘉蔬嘉薦醴齊式陳禋瘞

備修常秩

大金集禮

祭后稷祝文

爰茲

仲春秋

吉日有事於太稷惟神誕相稼穡粒我烝民功在祀典

爰用陟配

謹以制幣

柔毛剛鬣明粢薌合薌其嘉蔬嘉薦醴齊旅

於表位作主侑神

大金集禮

祭東嶽祝文

東鎮同南鎮中鎮西鎮北鎮俱與嶽同

維神贊養萬物作鎮一方式因春始

南嶽云夏始中嶽云季夏用西嶽云秋始北嶽云冬始

仲明祀謹以犧齊粢盛庶品明薦於神

大金集禮

祭東海祝文

維神百川所歸眾靈是宅浮天載地坎德攸先爰及孟春

南海云孟夏西

海云孟秋北

用遵薦禮謹以犧齊粢盛庶品明薦於神

大金集禮

祭東瀆大淮祝文

惟神源流深茫潛潤博洽阜成百穀疏滌三川青春伊始用遵典

秩謹以犧齊粢盛庶品明薦於神

大金集禮

祭南瀆大江祝文

惟神總納大川朝宗巨海功昭潤化德表靈長爰因夏首修其禮

典謹以犧齊粢盛庶品明薦於神

大金集禮

祭西瀆大河祝文

惟神上通雲漢光啟圖書分道九支旁潤千里素秋式序用率常
典謹以犧齊粢盛庶品明薦於神

大金集禮

祭北瀆大濟祝文

惟神泉源清潔浸被遐遠播通四氣作紀一方元冬肇節聿修典
制謹以犧齊粢盛庶品明薦於神

大金集禮

祭天祝文

伏以天有成命烈祖受之眇躬嗣服天其子之迄用康年絜其本
始肆類於郊式昭大報謹以玉帛犧齊粢盛庶品虔修祀事

集禮

大金

祭地祝文

伏以有天下者父天母地尊事地察率由舊章於茲圓壇饗以並
位神靈之祉申錫無疆

大金集禮

合祭天地以太祖配祝文

伏以於皇聖祖駿命所基功加于時肇造區夏克開厥後無疆惟